



28 de abril de 2010. Dende que ADEGA denunciara as actuacións de [sangrado e baleirado da lagoa da Frouxeira](#),

o estado de conservación deste humidal protexido foi de mal en peor. A maior parte do espazo atópase nun estado ecolóxico lamentábel tras case 5 meses sen auga e sen que a D. X. de Conservación da Natureza, malia a recoñecer as afeccións, tomara ningunha medida de recuperación. A lagoa fica convertida nun ermo polo que pululan sen control cans, cabalos e quads e, por se fora pouco, a administración vén de perpetrar unha

roza de hábitats proiritarios e especies protexidas

, cuxa conservación debería garantir. Se os espazos protexidos están así, calquera

[POL](#)

será papel mollado!

Consulta o [Informe XUNTA-FROUXEIRA \(416 Kb\)](#) e o [Informe ADEGA-FROUXEIRA \(260 Kb\)](#)



Durante este tempo, o humidal protexido da lagoa da Frouxeira convertiuse nunha **chaira areenta**

pola que pululan sen control, ante a inexistencia de vixianza e sinalización, persoas, cans, cabalos e quads que están a alterar os hábitats e as especies protexidas comprometendo a súa conservación. Mentres, a Consellería do Medio Rural, responsábel desta lamentable

situación, permanece impasíbel. De nada servíu urbanizar un bo anaco da zona de inundación e das marxes naturais da lagoa para facer un impactante paseo de pedra, que é aproveitado agora como coartada para realizar sangrados inxustificables sen criterio e á marxe da legalidade.

Dende a propia Consellería do Medio Rural veñen de recoñecer en sede parlamentaria que *“no n é a 1ª vez que a lagoa se deseca pola acción do home e que se seguirá facendo cando sexa necesario”*

apesar de non ser unha medida necesaria para a conservación do espazo protexido e sen a avaliación previa á que obriga a lei, saltándose impunemente a súa responsabilidade. A inacción do organismo responsable deste humidal amosa a

incapacidade e negligencia

dos xestores da Dirección Xeral de Conservación da Natureza, tanto en relación coas arbitrarias aperturas da lagoa como coa pasividade á hora de tomar decisións para paliar ou endereitar esta situación.

A maiores, dende ADEGA vimos de denunciar os recentes **desbroces indiscriminados** realizados este mesmo mes sobre o sistema dunar e a vexetación palustre. As rozas danaron

hábitats prioritario

s como as dunas grises

, breixais sobre dunas, a vexetación higrófila da lagoa e outros hábitats de interese europeo como dunas brancas e pasteiros salinos, incumprindo a Directiva de Hábitats e a lexislación estatal e galega de protección da biodiversidade. Estes desbroces poñen en perigo o estado de conservación das

especies protexidas

como a

Omphalodes littoralis subsp. gallaecica

ou o

Antirrhinum majus subsp. linkianum,

incluídas no Catálogo Galego de Especies Ameazadas baixo a categoría “en perigo de extinción”. O seu deterioro ou destrución prohibido está totalmente prohibido, como indica recolle o Decreto 88/2007 (CGEA) que no seu artigo 10º di: “

a inclusión dunha especie vexetal no catálogo implica a prohibición de destruílas, mutilalas, cortalas ou arrincar exemplares completos ou parte deles,..e en xeral a destrución do seu hábitat

”.

A gravidade destes feitos vese incrementada ao observar que o desbroce que destrúe hábitats e especies protexidos respecta as especies autóctonas e invasoras!!

Estes gravísimos feitos só veñen a confirmar o desleixo e a incompetencia de Costas e Medio Rural á hora de xestionar e conservar os nosos espazos protexidos, e supoñen un grave incumprimento da normativa estatal e comunitaria, así como dos acordos internacionais asinados polo estado español en relación á protección dos humidais (RAMSAR), que ADEGA continuará a denunciar.